

*hic naratur de prelio*

bellum incipere| donec naccarre pulsentur set statim cum sonant bellum incipiunt. 109v<sup>o</sup>  
habent insuper tartari talem consuetudinem/ quia cum ordinati sunt & expectant  
sonitum naccarrarum. canunt & pulsant instrumenta quatuor cordarum multum  
dulciter & faciunt magnum solatium expectando bellum continuo. Et ob istam  
causam ambe partes que erant ordinate & prestolabantur prelium & sonitum  
naccarrarum canebant tam bene & tam dulciter quod erat mirabile ad audiendum.  
cum uero per hunc modum aliquantulum permansissent & prestolarentur sonitum  
naccarrarum. Interea naccarre ab utraque parte sonare ceperunt. Et gentes nullam  
moram fecerunt set una gens in aliam ruit & manus apposuerunt ad arcus &  
sagitare ceperunt. & aer spissus erat de sagitis ut pluuia. Tunc uideri possent  
multi homines & equi uulnerati ad mortem. tunc audiri posset clamor & tumultus  
tam magnus quod mirabile erat. & certe bene uidebantur inimici mortales. Et  
dum h[ab]uerunt sagitamentum non cessauerunt sagitare illi qui de suis personis  
se poterant adiuuare. nam ibi erant mortui & uulnerati ad mortem in maxima  
quantitate ita quod in mala hora inceptum fuit prelium ab utraque parte/ tot ab  
utraque parte fuerunt occisi Et cum sagitauerunt omnes eorum sagitas manus  
apposuerunt ad enses & clauas & unus| in alium irruebant, & ceperunt sibi inuicem 110r<sup>o</sup>  
imprimere magnos ictus cum ensibus & clauis. & inceperunt prelium pessimum  
& crudele. Tunc uideri possent ictus maximos elargiri & recipi. tunc uideri  
possent pedes & manus incidi. tunc uideri possent multi homines in terram  
cadere mortui. Nam postquam belum inceptum fuit cum ensibus parua mora  
fuit quod tota terra coperta erat hominibus uulneratis & mortuis. Et sine dubio  
rex caydu de suo corpore maximas probitates exercuit & si ipse solummodo non  
fuisset sue gentes pluries de campo fugissent. & debelati fuissent set ipse tam  
bene in omnibus se habebat. & gentes suas taliter ortabatur/ quod se uiriliter  
manutenebant. Ab alia uero parte filius magni dominj. Et filius filij presbiteri  
Johannis etiam se bene in omnibus habuerunt. Istud quidem fuit magis crudele  
prelium quod unquam de tanta gente inter tartaros extitisset vtraque gens etiam  
totis uiribus conabatur una aliam debelare. & ideo utraque pars ultra posse con-  
abatur. set hoc nil ualuit quod una pars posset aliam debelare. Et belum durauit  
usque ad uesperas/ quod una pars alteram de campo expelere non ualebat set ab  
utraque parte tot fuerunt occisi quod erat quedam pietas ad uidendum. quoniam  
in mala hora fuit inceptum illud prelium pro utraque parte| quia multi homines 110v<sup>o</sup>  
fuerunt mortui. multe domine uidue. & multi pueri orphani. Et cum belum  
tantum durasset prout superius audiuiatis/ oportuit ergo quod prelium remaneret.  
disceserunt & redierunt ad campos tam fessi/ quod omnes maiorem oportunitatem  
habebant quiescendi quam belandi. In nocte quieuerunt libenter propter laborem  
quem in illo prelio illa die substulerant. Et in mane rex caydu/ qui iam audiuerat